

以上卅九司以官田給

右大納言正三位兼行民部卿藤原朝臣冬緒宣奉勅件要劇月糧相分錢米充行年久而頃年貢賦難備頻多減耗之年倉廩屢空猶少盈溢之日官俸由其罕給月糧爲之難行仍分官田永以充給但太政官并出納諸司及諸給月料之司事不得已猶給京庫又番上資糧充給外國之類分留京庫之色依例行之勿改舊迹亦八省卿彈正尹二府大將四府督或德高皇子猶在其官或身貴公卿兼居其職如此之類元來不給除此之外例在給限然則給否在人不必因官須京庫隨時取捨願令內外俸各得其所上下群官共全其料

元慶六年四月十一日略○中

太政官符

應割官田給主稅寮要劇并番上料事

山城國十二町九段

河內國十町四段

攝津國十町五段

右得彼寮解稱件要劇并番上料米停給京庫以件官田永被充給謹請官裁者大納言正三位兼行彈正尹藤原朝臣冬緒宣奉勅依請

元慶八年四月十七日

三代實錄

光孝四十七

仁和元年二月九日乙未勅以攝津國菟原郡官田二町一段給造墨長上要劇料

三代實錄

光孝四十九

仁和二年八月四日庚戌以河內國大縣澀河兩郡官田十町八十六步給內記要劇

料攝津國島上島下豐島河邊武庫菟原八部能勢八箇郡官田四十七町一段百二十二步給主計寮要劇并番上料山城國乙訓愛宕紀伊三箇郡官田三十五町二段百二十九步給勘解由使要劇并番上料

類聚三代格十五太政官符